

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ
ՔՆՆՈՂ ԱՆՁ**

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲՔԱ-ԼՕ-2019/72, 04.10.2019թ.

Բողոք բերող անձ՝ «Նազարյան Քուլինգ Սիսթեմ» ՍՊԸ

Պատվիրատու՝ ՀՀ պաշտպանության նախարարություն

Գնման ընթացակարգի ծածկագիրը՝ «ՀՀ ՊՆ ՆՏԱԴ-ԲՄԾՁԲ-7/8» բաց մրցույթ

Գնման առարկան՝ Սառնարանային համալիրի արդիականացման ծառայությունների ձեռքբերում:

Բողոքի պահանջը՝ Պարտավորեցնել ՀՀ պաշտպանության նախարարության վերոհիշյալ ընթացակարգի գնահատող հանձնաժողովին՝ վերանայի իր որոշումը և ընկերությունից պահանջի որակավորման փաստաթղթերն և գնահատելուց հետո կնքի պայմանագիր:

ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ

ՔԱՐՏՈՒՂԱՐ՝ Լ.ԱՆԱՆԻԿՅԱՆ

Նիստերին կարելի է առցանց հետևել <https://www.e-gov.am/gnumner/> հղումով.

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,
- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

ՀՀ ՖԻՆԱՆՍՆԵՐԻ ՆԱԽԱՐԱՐՈՒԹՅՈՒՆ
ՀՀ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁԱՆՑ

ՊԱՏՎԻՐԱՏՈՒ՝ ՀՀ ՊԱՇՏՊԱՆՈՒԹՅԱՆ ՆԱԽԱՐԱՐՈՒԹՅՈՒՆ

ԲՈՂՈՔ ԲԵՐՈՂ՝ «ՆԱԶԱՐՅԱՆ ՔՈՒԼԻՆԳ ՄԻՍԹԵՄ» ՍՊԸ

/ ՀՎՀՀ՝ 00254399, պետ. գրանց. համար 264.110.08009

հասցե՝ ք. Երևան, Գ. Մահարի 1/

094-64-24-311

ՏՆՕՐԵՆ ԱՐՎԻՆ ՆԱԶԱՐՅԱՆ



ԲՈՂՈՔ

«ՆԱԶԱՐՅԱՆ ՔՈՒԼԻՆԳ ՄԻՍԹԵՄ» ՍՊԸ-ն, մասնակցելով «ՀՀ ՊՆ ՆՏԱԴ-ԲՄԾԶԲ-7/8» ծածկագրով գնումների գործընթացին, զբաղեցրել է առաջին տեղը:

Այնուհետև, ՀՀ ֆինանսների նախարարությունը, ՀՀ պաշտպանության նախարարության 25.09.2019թ. թիվ ՊՆ/02/1944-2019 գրության հիման վրա, 26.09.2019թ. թիվ 26/26-1/15884-2019 գրությամբ դիմել է ՀՀ գնումների հետ կապված բողոքներ քննող անձին՝ խնդրելով նախաձեռնել Ընկերությանը գնումների գործընթացին մասնակցելու իրավունք չունեցող մասնակիցների ցուցակում ներառելու ընթացակարգ: Սակայն Ընկերությանը գնումների գործընթացին մասնակցելու իրավունք չունեցող մասնակիցների ցուցակում ներառելու հիմքերը բացակայում են հետևյալ պատճառաբանությամբ:

ՀՀ Կատավարության 04.05.2017թ. N 526-Ն որոշմամբ հաստատված «Գնումների գործընթացի կազմակերպման» Կարգի 43-րդ կետի 4-րդ ենթակետի համաձայն՝

43. Հայտերի բացման նիստի ավարտից հետո ոչ ոչ քան հաջորդող աշխատանքային օրը հանձնաժողովի քարտուղարը՝

4) էլեկտրոնային փոստի միջոցով ծանուցում է առաջին տեղն զբաղեցրած մասնակցին՝ առաջարկելով ծանուցումն ուղարկելու օրվանից երեք աշխատանքային օրվա ընթացքում էլեկտրոնային փոստի միջոցով ներկայացնել որակավորման չափանիշները՝ հիմնավորող՝ հրավերով նախատեսված փաստաթղթերը, բացառությամբ սույն կարգով նախատեսված դեպքերի, ապրանքների գնման դեպքում նաև սույն կարգի 32-րդ կետի 1-ին ենթակետի «գ» պարբերությամբ նախատեսված փաստաթուղթը, իսկ բանկային երաշխիքի ձևով ներկայացված հայտի ապահովման բնօրինակը՝ կից գրությամբ:

Նույն կարգի 46-րդ և 47-րդ կետերի համաձայն՝

46. Սույն կարգի 43-րդ կետի 4-րդ ենթակետով նախատեսված ժամկետի ավարտին հաջորդող աշխատանքային օրը քարտուղարն էլեկտրոնային եղանակով հանձնաժողովի անդամներին միաժամանակ տրամադրում է առաջին տեղն

գրադեցրած մասնակցի կողմից ներկայացված փաստաթղթերի պատճենները, գնահատման թերթիկների երկուական օրինակ և կոմիտեից ստացված տեղեկատվությունը: Հայտերի գնահատման արդյունքների հաստատման նիստը հրավիրվում է սույն կարգի 32-րդ կետի 22-րդ ենթակետով սահմանված ժամկետներում: Ընդ որում, ապրանքների գնման դեպքում հանձնաժողովը գնահատում է նաև ներկայացված տեխնիկական բնութագրերի համապատասխանությունը հրավերի պահանջներին, իսկ անհամապատասխանություն արձանագրելու դեպքում հանձնաժողովի նիստի արձանագրության մեջ մանրամասն նկարագրվում են հայտնաբերված անհամապատասխանությունները:

47. Առաջին տեղն զբաղեցրած մասնակցի կողմից փաստաթղթեր չներկայացվելու կամ ամբողջական չներկայացվելու կամ ներկայացված փաստաթղթերում հրավերի պահանջների նկատմամբ անհամապատասխանություններ, ներառյալ կոմիտեի տրամադրած տեղեկատվության հիման վրա, իսկ ապրանքների գնման դեպքում՝ նաև սույն կարգի 32-րդ կետի 1-ին ենթակետի «գ» պարբերությամբ նախատեսված փաստաթղթի գնահատման արդյունքում հրավերի պահանջների նկատմամբ անհամապատասխանություններ արձանագրվելու դեպքում հանձնաժողովի քարտուղարը նույն օրն էլեկտրոնային եղանակով ծանուցում է առաջին տեղն զբաղեցրած մասնակցին՝ առաջարկելով երեք աշխատանքային օրվա ընթացքում շտկել անհամապատասխանությունը: Ընդ որում, եթե անհամապատասխանությունն արձանագրվել է կոմիտեից ստացված տեղեկատվության արդյունքում, ապա սույն կետում նշված ծանուցմանը կցվում է նաև այդ տեղեկատվությունը պարունակող փաստաթղթի բնօրինակից արտատպված (սկանավորված) տարբերակը:

Կարգի 48-րդ կետի համաձայն է՝

48. Առաջին տեղն զբաղեցրած մասնակցի կողմից արձանագրված անհամապատասխանությունը սահմանված ժամկետում՝

2) չշտկելու դեպքում հանձնաժողովի որոշմամբ հայտը մերժվում է, և փաստաթղթեր ներկայացնելու պահանջ է ներկայացվում հաջորդաբար տեղ զբաղեցրած մասնակցին:

Վերոգրյալից հետևում է, որ Հանձնաժողովը էլեկտրոնային փոստի միջոցով ծանուցում է առաջին տեղն զբաղեցրած մասնակցին՝ առաջարկելով ծանուցումն ուղարկելու օրվանից երեք աշխատանքային օրվա ընթացքում էլեկտրոնային փոստի միջոցով ներկայացնել Կարգով նախատեսված փաստաթղթերը, որոնք չներկայացնելու դեպքում հայտը մերժվում է:

Սույն գործով տեղի է ունեցել թյուրիմացություն և սխալմունք, քանի որ տեխնիկական խնդիրների կամ այլ պատճառով Ընկերությունը, որպես առաջին տեղը զբաղեցրած մասնակից, Կարգի 43-րդ կետի 4-րդ ենթակետով սահմանված կարգով, այն է՝ էլեկտրոնային փոստի միջոցով չի ստացել ծանուցում անհրաժեշտ փաստաթղթերը ներկայացնելու վերաբերյալ: Նույն կերպ Ընկերությունը էլեկտրոնային փոստի միջոցով ծանուցում չի ստացել նաև Կարգի 47-րդ կետով սահմանված կարգով՝ այն է՝ անհամապատասխանությունները /տվյալ դեպքում փաստաթղթերը չներկայացնելը/ երեք

աշխատանքային օրվա ընթացքում շտկելու վերաբերյալ: Նշված էլեկտրոնային ծանուցումները տեխնիկական պատճառներով հայտնվել են այսպես ասած «ՄՊԱՄ» կարգավիճակում, որպիսի պարագայում անհնարին է տեղեկանալ դրանց բովանդակությանը, ուստի Շնկերությունը չէր կարող ենթադրել, թե ինչ բովանդակություն կարող են ունենալ նշված ծանուցումները, որպեսզի ձեռնարկեր համապատասխան միջոցներ խնդիրը կարգավորելու համար: Նշված խնդիրը տեղի է ունեցել Շնկերությունից անկախ պատճառներով և կապված չէ նաև Շնկերության էլեկտրոնային փոստի հետ: Մինչդեռ «Գնումների մասին» ՀՀ օրենքի 8-րդ հոդվածի 3-րդ մասի համաձայն՝ *3. Էլեկտրոնային ձևով հաղորդակցության համար օգտագործվելիք միջոցները պետք է լինեն ոչ խտրական, ընդհանուր առմամբ մատչելի լինեն հնարավոր ցանկացած մասնակցի և փոխգործակցող տեղեկատվական և հաղորդակցության տեխնոլոգիաների ընդհանուր օգտագործման միջոցների հետ:* Նկարագրված խնդիրը տեղի է ունեցել Շնկերությունից անկախ պատճառներով և կապված չէ նաև Շնկերության էլեկտրոնային փոստի հետ: Արդյունքում, ինչպես արդեն նշվեց, Շնկերությունը իրենից անկախ պատճառներով հնարավորություն չի ունեցել ստանալու և ծանոթանալու ծանուցումներին:

Ելնելով վերոշարադրյալից, խնդրում ենք պարտավորեցնել ՀՀ պաշտպանության նախարարության վերոհիշյալ ընթացակարգի գնահատող հանձնաժողովին՝ վերանայի իր որոշումը և ընկերությունից պահանջի որակավորման փաստաթղթերն և գնահատելուց հետո կնքի պայմանագիր:

Կից ներկայացնում ենք պետական տուրքի վճարման անդորրագրի պատճեն, պետ. ռեզիստրի պատճեն՝ իր ներդիրներով և տնօրենի նույնականացման քարտի պատճեն:

**«Նազարյան Քուլինգ Սիսթեմ»
ՄՊԸ-ի տնօրեն**

04.10.2019



ԱՐՎԻՆ ՆԱԶԱՐՅԱՆ